



Tuhaayakhaq

Qillaminuaq Tuhaqtitauyukhaq

Iligiit Nunavut aulaqniaqtun 2014mi Ukiuktaqtumi Ulapqiaqtuqtunik

IQALUIT, Nunavut (Qiqaiyaqvia 12, 2014) – Taima ulapqiyukhat upalungaiyaqtilunik aulaqniaqhimayukhat talvunga Ukiuktaqtumi Ulapqiaqtuqtunik (AWG-ngit)-taivagait naitumik), Iligiit Nunavut tuhaqtihimayut ilitagiyauhimayuq titirangit. Tamna AWG-ngit taivagait naitumik aulaniaqtun Qiqaiyaqvia 15mi 22mun talvani Fairbanks, Alaskami.

Iligiit Nunavut ilauqaqtun taima 279nik ilauqaqtun ulapqiyunikhanik, ulapqiunik ilihaiyiit, atanguyanganik, aulatitiyunik havaktinik, pitquhiliqiyunut qunngiaqtitiniaqtunik nunalaanin tamaini Nunavunmi.

“Ulapqiaqtukhavut akhut uuktuqpakhutik ikaakninik ilaulukaakpaktun ulapqiumayamingnik ulapqiyaangat anginirmik akigaktuiyumaplutik talvani AWG-ngitni,” uqallaktuq Tom Sammurtok, Ministauyuq Nunalingni Kavamatkunnilu Pivikhaqautikkutni. “Ukuat ulapqiaqtuqtun, ulapqiyukhanik ilihaiyiit ilauniaqtunlu ilautquiniaqtun Nunavutim tautuktitiyaangat nunaquyumi hivunirmi, taima aadjikiiktumi hivulliqtiuplutik nunalaaptingni.”

Nunavutim titqauyangat tigumiaqniaqtuq angmaqtiligumik ulapqiaqtuqtunut tamna Judy Mariq, haakiktunut ulapqiukhaq talvanga Qamnittuaqmin. Mariq pukukhimayuq taima hivulliqtiunginaqhunik tautungnaqman haakiktumi haakigunnaigaangatlu. Hivulliqtiuvaktuq iligiingit goldmik qunnguhirmiutihirhutiklu talvani Nunavutim hivullirmi nunaquyuplingnik arnat haakiktunik akigaqtuiyunut.

Taima quvianaqtumi tautuktitiyuni talvani nunaquyuplingni Ukiuktaqtunik Ulapqitjutingnik atauhiinauplunilu nukakhiupluni ulapqiagiaqtungnahuaq, Deon Kuglugiak, talvanga Igluligaaryumin ilauliqtuq taima tigumiaqniaqhimayut naunaitkuhirmik nunalaanik.

